

Bushishee Yaafeeti Koricoo

Giddiito

Yesuusuchi shiiijjo



Koorito: Edward Hughes

Tachito: M. Maillot
Alastair Paterson

Diciito: E. Frischbutter; Sarah S.

Wochii Biichito: www.christian-translation.com

Aajjito: Bible for Children
www.M1914.org

©2021 Bible for Children, Inc.

Daaggoo: Hini shemmeeshoon woddiyee wuroo ittich beete,
tuneban kemo hakkaachit.



Yage goorooye aaf, Yeeri Gabreeli
getteebeti bi maraakoon ikke gaawe
gidiiree tunet ayhude maacheewaan
daachiihe. Bi shigo Maariyami
getteehe. Biino yeeri ishichi
getiye “Anaami bushoon
shiyemmi neene, bi shigoono
yesuus getteemmi neene.

Biyoo yeerichi
bushoo getaa
ceekkemmine.
Ubbe aabicho
taatemmine.”



“Ebi aabichii tunehe?” men maache
bushee wochihan. “Ta anaamon
danaa ariyaan taane.” Maraako
gabreeliyo shiijjemi bushoo
yeericho bi tunoon gettihe.
Biichi nihoo ashi daggoochen
tune qayon beddaaha.



Maraakoo dabbii
maaryaamich bi indee
manee Eelsaabeexi
geenoocha bushee bi
xifoon gettihe. Ebiyo
oogii yawuniimmi
mooyone. Aree
hillooch Maaryami
Elsaabeexin ciinooch
hammahan.
Gutte'inoo yeerin
galletteheete.



Maaryami Yoosefo
getteebeet urooch
shaakkiyooch
qannitiyana. Yoosefiyo
Maaryaamichi
yeqqefoon bi ariitoye
gubb ayiniye. Men
yeqqefoochi nihoo
baroo tunoon
shalligihe.



Yoosefichi gumona yeeri maraakoo
bekke'i bushoo yeerichi bushoo bi
tunoon gettiye. Yoosefiyo yesuusini
qiddoona maaryamin gaachehe.



Yoossefi yeerin gibenoona bi hajjeyoon quyehe. Bi
showee sheeroono quyehe. Andiron kechiti sheeroon
qiddooch Yooseefina
Maaryaamina boono shiije
showoo turet Beetelemi
qixee qococh
hammiheete.



Aree gooroocho
maaryamo shimoch
maaxoo manjahan.
Tuneban Yooseefi
kexo qaawi muccehe.
libbee kexo bulla
yechehe.



Yoosefiyo ciiroocha ikke miinji kexon danehe. Yesuusi aroocha shiijehe. Bi indee Maaryamiyo miinji maayo kotebbet gophelooch kotiihan.



Arooch katini kitaamitooch haagiyo quyaabeet
qiddechina'o neetina'ona Yeerichi maraako boonoshich
bekke'i mishiraachee qaaron gettihe.



“Kiristoosi getteebeeti wodiyecho hanaach Daawutichi katemooch shiijjetone. Gaggeroon miinji qeme gophellooch dano hakkiyote.”



Bekkech wodde phaqqibeet maraakeena'o
bekkeheete, yeerin galleteebe.



“Shimaayooch yeerich galleto beda,
showooch gaaweena'och
diggoo
tuneba.”



Qiddechina kaate miinji kexo beetooch shaggiyeete. Gageroon boono ciinnitoye gubb marakoo boonoshich bi gettiton ashich geto kottiyeete.




Aabbe qemoye gubb, Yooseefina
Maaryaamina Yerusaalemi beet
baaree kexooch yesuusin
deewiyete. Arooch ikke
Simooni getteebeet
geene uro beetoana
yeerin galletete. Geene
Haannina
bare yeerichi
gaachechina'o
galletoon
immiheete.




Gutteena'ona Yessusi
Yeerichi bushoo bi tunoon
ariiheete, woyemmo getteet
wodiyecho. Yoosefi gutte
yoobbereena'on tabaakko
giddiie. Ebiyo yeerichi
sheeroocha girech

asheena'o
bushoo
boono
shiimmona
boono
giddiibeet
tabaakkoone.




Tunet goorooye
gubb, aabi
keyowaane
yeresaalemi
aaxxebeeti
xojjeno

ariyechina'on deewiye.
"Ayhude taatoo shiijjeto
aabiichiye?" iibee echeheete.
"Biichi goyinniya qaawihon."




Taato Herodiyoosi xojjene
ariyechina'ochi mooyon bi
waayetoye gubb iritee'i
boonoshin ceegona
Yesuusin boono danemmi
goorooch biich boono
gettemmoch echehe.
"Yesuusich oogiyoonna
goyinno qaawiho" ihe
Herodiyoosi. Tunebani bi
gettito kootoone, Yesuusin
wuxoochiye bi
qaawito.



Xojjeno ariyechina'on
Yooseefina Maaryamina boono
bushoo Yesuusina tookkii
boono beet kexooch shakkihe.
Gutene goyinechi worqoona
ixaanoonon immiheete.



Yeeriyo men ariyech asheena'o
aashoona boono kexooch
boono wottemmoch gettiye.
Heerodisi gonde ashoana.
Yesuusin wuxoocha ii'i
Beetelemi beeti gaggere
bushishoon bulla wuxiihe.



Tuneban Heerodisi
Yeerichi bushoon
wuxoo hakkaache!
Yeeriyo gumona
Yoosefichi bekke
Maaryaamina
Yesuusinson Gibtsooch
bi daammichi gettiye.



Herodis qititoye gubb
Yooseef Maaryaamina
Yesuusinson yechii
Gibtsooche
wottehe.



Galili baahire ga'ooch beet
Nazreeti katemeech koteheete.



Yesuusuchi shiijjo


Shemmeeshoo Yeer qaaro tuneti Yaafeeti
koricooche,

Dane xaa'oo

Maatiyoos Wongeelo 1-2,
Luqaasi Wongeelo 1-2

“Ne qaare gimo bekkoon immihe.”
Shoddo 119:130





| 36

||||| 60



Hini Yaafeeti Koricee shemmeeshoo nooch bi gettiibeeto oogeti no doono Yeeri noon hallitona biin no ariyemmoch tuniitoniye.

No doono Yeeri axaaxoo getteeti gonde mooyon no shuunoon ariihe. Axaaxeechi naxoo qitoone, tunebani Yeeri noon oogii bi shunnitoch ikke mixxe bi bushoo Yesuusini mashqaree toommooch kake bi qitiyemmona no axaaxe meeshoon bi qoccemmoch deejjihe. Yesuusiyo showooch bi waatooye gubb wotte shimaajji kexooch hammihe! Yesuusina gibenacha itti axaaxoon bi qajjemoch itti echegaata aro ittin maarihe. And ittin tookkii beehe, ittiyo biinna tookka bullaabich beehit.

Ebi iberoo bi tunoon itti gibenegaata, ebin yeerich getit: Shucheti yesuuso, Ne ta axaaxoch qititi yeeri ne tunoon gibenoye, ando taanna tookka beetine. Doogena ta kasheech waa ta gondoona maaribe, arooye gubbo andire kashoona beehoye. Ikke qanoona neenna tookki bullaabich hammemotaane. Ne bushoon tunoona neech beemo ta hakkiyemoch doogena taan gaachebe. Amen!

Ubbe aaboon Yaafeeti Koricoon shemmoona Yeerina yibbaatebit!
Yohannis Wongeelo 3:16

